



Ikamva-Ukunonophela
abantwana bethu

Isifundo ngezoNqulo iKlas1 1

Isihloko sesifundo: Ukholo - uMariya kunye nengelosi

Isikhokelo soMzali

Isikolo seCawa saseKhaya



Mzali Othandekayo

Wamkelekile kwisifundo ngezoNqulo esithi **“Ukholo - uMariya kunye nengelosi”**

Olu xwebhu luya kunika isikhokelo esingekuphi ngendlela oza kusenxa ngaso isifundo.

Uzilungiselela usibeke njani na isifundo

Ngezantsi kukho amanye amacebiso endlela onokusilungiselela usenze ngawo isifundo:

Inyathelo	Omakukwenze
1.	Fikelela kwikhasi lebandla eliTsha lobuPostile ngokufaka okanye ucofe kwikhonkco elilandelayo elisuka kwi-WhatsApp: https://bit.ly/3NACSSHS
2.	Qokelela ezi zixhobo zilandelayo ukuze uqiniseke ukuba usilungele isifundo: • iBhayibhile • Isifundo esikwimo yePDF esele ilungisiwe • Incwadi yomsebenzi womntwana kunye neepensile, iikhrayoni, njl. • Isiqwana sevideo sisixhobo esongeziweyo / sisixhobo esongezelweyo sokuzikhethela Qaphela: 2.1: Elona xesha lifanelekileyo ekufundiseni isifundo kusemva kwenkonzo yakusasa ngeCawa ukugcina inkqubo eqhelekileyo yesiKolo seCawa. 2.2: Nceda usenze sigqale kumxholo (sibe sifutshane) kangangoko, ucingele ixesha labo lokukwazi kwabo ukuphulaphula (ukugxila kwisifundo) sabantwana bethu-umazi kakuhle umntwana wakho! ISikolo seCawa ngokwesiqhelo asidluli kwimizuzu engama-45. 2.3: Isifundo seseklasu ngaye (Umzekel. SS, RI okanye Isiqinisekiso). 2.4: Nceda unxibelelane notitshala wesiqinisekiso ukuba ufuna naluphina uncedo okanye ufuna nasiphina isixhobo kwezi zingasentla.
3.	Thandaza (jonga umthandazo osekupheleni kolu xwebhu) kwaye ucele uThixo ukuba akusebenzise njengesixhobo sokuzisa isifundo ngendlela ayakuthanda ukuba sisenze ngayo.



Ukwenza iSifundo seSikolo seCawa ekhaya

Uzilungiselela usibeke njani na isifundo

Siyaqhubekeka ukwabelana ngamacebi athile ngendlela esinokuthi silungiselele ukwenza isifundo:

Inyathelo	Omakukwenze
4	Dala indawo yokufunda emnandi, engenasiphazamiso apho wena nabantwana nikwinqanaba elifanayo. Umzekelo: Hlalani phantsi okanye ningqonge itafile.
5	Funda isifundo. Phinda ufunde isifundo ukuze usiqonde. Bukela isiqwana sevideo sesifundo ukufumana ulwazi olungcono lwesifundo.
6	Zenzele amaqaku kwiingongoma ezibalulekileyo ongathanda ukuzikhumbula.
7	Yiqonde injongo yesifundo ekufuneka sikhunjulwe ngumntwana wakho.
8	Fundisa isifundo kumntwana wakho.
9	Mbonise umntwana wakho ivideo kwaye uphinde ugxininise kwintsingiselo.
10	Jolisa umntwana wakho kumsebenzi okwincwadi yomntwana
11	Thandaza, okanye ucele umntwana wakho athandaze ukuvala isifundo.

Izixhobo ezifumanekayo ngokweSikolo saseKhaya

Nazi izixhobo zokuphucula umgangatho wesifundo:

1. Incoko ka-WhatsApp ngesifundo kunye nolunye usapho olunomntwana okwisiFundo ngezoNqulo.
2. Xoxa ngesifundo nabanye abazali ukuze ufumane ingcaciso ngokubhekisele kwisifundo ngaphambi kokuba usifundise.
3. Zive ukhululekile ukwenza olwakho uphando ukumana iinkcukacha (ezongelelekileyo).
4. Umphathi webandla wesikolo seCawa kunye noTitshala wakho bayafumeneka ukunceda.



Isifundo

Isihloko seSifundo	Ukholo - uMariya kunye nengelosi
Isicatshulwa seBhayibhile	Luka 1: 5-38 kunye no 1 Petros 2: 9
Injongo yesifundo	Abantwana bafunda ukuba uThixo ulindele ukholo kwabo abenza izithembiso. Ukholo lwethu kufuneka lugine njeliwa.

Isishwankathelo sesifundo:

- UMariya wayehlala kwidolophu yaseNazarete yaye wayeganwe nguYosefu.
- Kubonakala ingelosi egama linguGabriyeli isithi: “Vuya, wena ubabalweyo, INkosi inawe; Usikelelwe wena phakathi kwabafazi; Musa ukoyika, Mariya, kuba ubabalwe nguThixo. Uyabona, uya kuthabatha esizalweni, uzale unyana, umthiye igama elinguYesu. UMoya oyiNgcwele uya kuza phezu kwakho, athi namandla Osenyangweni akusibekela; kungoko Lowo uNgcwele uyakuzalwa nguwe uya kubizwa ngokuba nguNyana kaThixo.”
- Nangona uMariya wayesoyika, wakholwa kwingelosi wathi; "Makwenzeke ngokwelizwi lakho".
- Kwiinyanga ezimbalwa ngaphambili kwenzeka into efanayo kumbingeleli ogama linguZakariya.
- UZakariya nomkakhe, uElizabhete, babebadala kwaye babeneminyaka emininzi betshatile, kodwa bengenabantwana.
- Ngenye imini, xa uZakariya wayesetempileni, ingelosi uGabriyeli yabonakala kuye yathi: “Musa ukoyika, Zakariya, kuba umthandazo wakho uviwe; wothi ke umfazi wakho uElizabhete akuzalele unyana.”
- Ngokungafaniyo noMariya, uZakariya akazange akholelwe kwingelosi kuba kwakuchasene nendalo yomntu ukuba nomntwana ebudaleni.
- Ingelosi yathi kuZakariya, "Uya kuba sisimumu kude kuzalwe umntwana, kuba ungakhohlwanga ngamazwi am."
- Njengoko ingelosi yatshoyo, uElizabhete wazala umntwana oyinkwenkwe, kwaye ngokwesiko, xa esoluka, izalamane nabahlobo babecinga ukuba uza kubizwa ngokuba nguZakariya, njengoyise.
- UElizabhete, nangona kunjalo, wathi uza kuthiwa ngokuba nguYohane, njengoko kuyalelwe yingelosi.



- UZakariya wabuzwa ngale nto, wabhala ebhodini wathi: "Igama lakhe nguYonane." Luka 1: 63
- Ukususela ngoko, uZakariya wakwazi ukuthetha kwakhona, wadumisa uThixo.
- UThixo wakheta uMariya noZakariya njengezixhobo zomsebenzi okhethekileyo wokufezekisa ukuthanda kwakhe. Khumbula, abanye abakhethwe nguThixo ukufezekisa ukuthanda kwakhe ngaba:
 - Ø UNowa wakha umkhombe,
 - Ø UMoses wakhokela abantu bakaSirayeli wabasa kwilizwe laseKanan kwaye
 - Ø Abaprofeti bahambisa imiyalezo ethile evela kuThixo.
- Funda eyoku-1 kaPetros 2: 9. Sikhethelwe nemisebenzi ekhethekileyo. UThixo ulindele ukuba:
 - Ø Sixelele abantu ngoYesu nomsebenzi waKhe kwaye
 - Ø senze njengabantwana bakaThixo kubomi bethu bemihla ngemihla, kuba sibizelwe kububingeleli baKhe basebukhosini (amakholwa).
- Nathi, sifumene isithembiso esingaphaya kokuqonda komntu. Isithembiso sokuba uYesu uza kubuya eze asise kuye. Iya kuzaliseka.

Sithetha ukuthini esi sifundo kuthi namhlanje?

- Ingelosi yathekelela ngeziganeko ezibalulekileyo kuMariya noZakariya ngokubhekisele kwisebo losindiso lukaThixo kuthi.
- Isithembiso sengelosi sazalisekiswa, nangona sasiphikisana namava omntu, kwaye kwakuyimfuneko ukukholelwa kwisithembiso esinikiweyo.
- Siyakholwa ngentliziyo iphela ukuba uThixo usikhethile kwaye uYesu uthembisile ukuba uzakubuya azokusilanda.
- Sifuna ukuthathwa ngemini yokubuya kukaKrestu kwaye sijonge phambili kuyo.
- Sinombulelo kuba uThixo wasibandakanya kwisebo lakhe losindiso.

Soloko ukholwa kwaye uthembele kwizithembiso zikaThixo. Nokuba unokholo oluncinci kuThixo unokwenza izinto ezinkulu, kholwa nje.

Yenza uMsebenzi 1 kunye no 2 nomntwana wakho



Eminye imibuzo esinokuyibuza:

1. Wenza ntoni uMariya xa ingelosi imnika iindaba?

Impendulo: Wayesoyika, nangona wayekhohlelwa kwaye enokholo.

2. Wenza ntoni uZakariya xa ingelosi imxelela ezi ndaba zilungileyo?

Impendulo: Wayesoyika, kodwa nangona imithandazo yakhe yaphendulwa akazange ayikholelwe ingelosi.

3. Yeyiphi imisebenzi ekhethekileyo uThixo alindele ukuba siyenze?

Impendulo: Kufuneka sixelele abantu ngomsebenzi kaThixo kwaye sisebenze njengabantwana bakaThixo kubomi bethu bemihla ngemihla kuba siyinxalenye yosapho lukaThixo.

4. Sesiphi isithembiso esenziwa kuthi?

Impendulo: Ukuba uYesu uza kubuya eze kusilanda ukuze sibe naye

5. Simele ukwenza ntoni ukungqina ngokukhethwa kwethu kunye nesithembiso esisinikiweyo?

Impendulo: Kufuneka sikholelwe ngokupheleleyo ukuba uThixo usikhethile kwaye noYesu uza kubuya. Sifuna ukuthathwa ngomhla wokubuya kukaKrestu kwaye sijonge phambili koku. Sinombulelo kuba uThixo wasifaka kwisebo lakhe losindiso.

Umthandazo kaTata noMama wokuthandaza ngaphambi kwesifundo:

Thixo othandekayo, enkosi ngale mini, Sikelela bonke abazali kunye nabantwana

Kunga singeva ubukho bakho, Sikelela isifundo esiya kuba naso

Nceda usifundise sikukhonze njani, Kwaye sincede senze intando yakho

Ukuze sisondele kufuphi kuwe

Thumela uYesu ukuze asiphuthume

Kwaye kwanga singakulungela ukuhlangana naYe , Amen

Umthandazo emva kwesifundo:

Bawo othandekayo osezulwini

Enkosi ngokusigcina sikhuselekile nokusinika iBhayibhile ukuba isikhokele.

Ndincede ukuze ndibe nobubele kuwo wonke umntu.

Enkosi ngokuba ngoMalusi olungileyo osithandayo nosikhokelayo.

Amen.